

寺派塔主職。大正十年十二月二十四日。蒙臨濟宗臺灣布教監督。任命爲臺灣聯絡寺廟。齋堂。總本部宗務主事。大正十二年四月二十日。臺南市開元寺內。總本部開教所。及宗務主事駐在所設置。大正十二年十二月二十六日。高雄市内帷龍泉寺建立。受臺灣總督內田嘉吉許可。大正十五年二月二十三日。龍泉寺建立竣工。大正十四年二月十八日高雄州屏東郡屏東街布教所建立。承高雄州知事三浦祿郎認可。大正十四年十月三十一日。屏東本派布教所建築竣工。大正十五年一月二十五日。臺南市三分子臨濟宗總本部教務所設立。承臺南州知事喜多孝治認可。大正十五年九月二十日。受妙心寺派管長任命爲高雄市龍泉寺住職。大正十五年十月十二日。承臺灣布教監督高等布教講習會々長天田策堂任命爲該會主監。爰囑託。自大正十五年十二月五日至昭和二年二月十一日。屏東布教所主催佛教研究會。被推舉爲會長。昭和二年二月二十二日。受大本山妙心寺派管長表彰。文曰。

渡臺以來專心島語學習。堅志持久。宣教傳道精勤。高山頂。鹽水港。屏東等。布教所設立。龍泉寺創建。並多數臺灣寺廟。本派聯絡融和等事業。功績顯著。德戒兼全。特陞法階二級。

昭和二年二月二十二日。補任大本山妙心寺派。西堂職。同日受命大本山妙心寺派。東堂職。昭和二年五月二十三日。佛教慈濟團設立。被推舉爲委員長。以後布德行惠。上致君。下澤民。化愚癡而爲智慧。渡苦海而登極樂。其功德正未可限量也

余讀東海師之履歷。知其從幼出家。歸依佛教故得六根清淨。不爲七情所染。六欲所蔽。觀其學業廣博。經歷老練。爲全島佛教之領袖。能得上和下睦。龍華。金童。先天。三派。俱被聯絡。一團和氣。現今所轄之

寺廟齋堂。計有百十餘箇所。至其辦事之勤。則夜以繼日。席不暇煖。論其巡教之勞。白西自東。自南至北。無日不往。到處則傳道說教。不長其勞。故曰願將身心奉塵刹。是則名爲報佛恩。島語流暢。實行內臺之親善。法門大開。廣度大地之衆生。德行兼全。神人共仰。受大本山妙心派管長三番表彰。九次陞職。可謂吾島內之戒德高僧矣。

詩選

林述三選

題慎淨上人遺著北園詩存

林 秋 梧

不爲世情物慾牽。拋妻棄子結良緣。修文應召來何急。剩有詩篇閱惘然。

二

學儒入釋兩般親。富貴情空上乘人。有限天年無限韻。北園一別永傳神。

三

慧眼搖青看破深。空門學道作山吟。幾篇遺稿今猶在。句句推敲字字金。

四

開元寺建自清初。可有詩人學佛與。愧我緣疎親夾杳。黃庭經裡晤公虛。

山居偶感 二十一首 錄八

獅山凌雲洞 妙

宏

半色青山半色霞。凌雲洞裏是吾家。誰人學得僧家樂。拋脫塵情避世華。